



Maestriah ipan Totlahtol iwan Tonemilis

Tenohnotzalistli - Xikalaki - Agosto 2024

Universidad Veracruzana (UV), ika Universidad Veracruzana Intercultural (UVI), innawak masewal tepemeh tlen powih Mexihko, akinmeh miak xiwitl kihtohtiwitzeh ma mopatiittakan masewal tlahtolmeh iwan masewal totekayohmeh kampa ihkon ma mochikawalti itlatlamanyoh Mexihko, kinyolselia masewal tlahtolmeh kemeh tlahtolmeh yoltokeh, yankuikah iwan chikawakeh, kinewaltia tlanawatilkotontli 2 itech Weyi Amatlanawatilli tlen powi Estados Unidos Mexicanos, iwan tlanawatilkotontli 7, 9 iwan 11 tlen powih Ley General de Derechos Lingüísticos de los Pueblos Indígenas, kinyolewah mexihkameh iwan pinomeh, akinmeh kinekih kalakiskah momachtiskah ipan **metztli agosto 2024** ipan **Maestriah ipan Totlahtol iwan Tonemilis (MTT)**, ma momachiotikan noso ma moihkuilokan ipan tlamotzkiltilli: www.uv.mx/escolar/posgrado2024-l

Inin momachtistli wehkawas ome xiwitl (2024-2026) iwan motemakas nochi ika nawatlahtolli. Inin maestriah kitemosneki nawatlahtohkeh akinmeh yi omomachtihkeh licenciatura, iwan kinekih momachtiskah iwan tekipanoskeh ipan semeh ininkeh tlatemolisohmeh:

- Tlahtolkuepalistli iwan tepantlahtolis interkultural
- Tlahtoltekiwahkayotl, tlahtolyekanalisis iwan tlahtolyolitilis
- Tlahtol tlamachtilis

Tlamachtilli tlen inin MTT mochiwas ipan tonalli **viernes** iwan **sabado**, kawitl **8:00am** ik **16:00pm**, iwan tlan nohwan onkas kokolistli timonechikoskeh ika teposamatl tlan tekiwahmeh tlen UV ihkon technawatiskah. Wan keman panotos inin kokolistli tlen tlamawa, wahka pewas tlamachtilli iwan mochiwas itech tlamachtilyan UVI Wehweyi Tepemeh, itech altepetl Tequila, Veracruz. Inin tenohnotzalistli tlapohtos itech tonalmeh tlen pewah **19 tlen febrero** iwan **tlamis 15 tlen abril, xiwitl 2024**. Kualtis tiktemos inin tenohnotzalistli itech in [portal de aspirantes](http://portal.de.aspirantes) tlen monextia ipan iteposama UV. www.uv.mx/escolar/posgrado2024-l

Tlen Moneki:

1. Ximomachiotikan itech internet ipan **20 metztli febrero** ik **15 metztli abril** itech inin xiwitl 2024.
2. Pampa kualtis tikchiwas ixtlamatlatomachiwaloni xitlaxtlawakan ipan **20 metztli febrero** ik **17 metztli abril** itech inin xiwitl 2024.

- a) Tlen mexikameh tlaxtlawaskeh: \$1,411.00
- b) Tlen pinomeh (extranjero): \$4,125.00



Universidad Veracruzana
Intercultural



Maestría en Lengua
y Cultura Nahuatl

3. Xiktlehkoltikan se yankuik ixkopinkayotl (archivo digital infantil) ipan tonalmeh 20 metztli febrero ik 17 metztli mayo ipan xiwitl 2024. Tla amo inkitlehkoltiskeh amo kuantis inkichiwaskeh ixtlamatlatomachiwaloni. Xikonistlakokan tlanohnotzalistli tlen kahki ixko internet wan xikpachilikan ipan **ken kichiwa ixkopinkayotl**.
4. Moneki xikpiakan seh tepostlahkuiloni noso teposamatl tlen kualli ma tekipano wan ma kipixto cámara web, micrófono wan nochi tlen konnehneki tlanohnotzalistli tlen kahki ixko internet, xikpachili **kalihtik ixtlamatlatomachiwaloni**.
5. Xikonpia nochi ixtlamatlatomachiwalonimeh wan nochi tlen kitlahtlani xikpiakan ik inkinekih innmomachtiskeh inin weyi ixtlamachtistli ipan tonalmeh 24 ik 28 metztli junio itech inin xiwitl 2024.
6. Xikonchiwakan ixtlamatlatomachiwaloni *Examen Nacional de Ingreso al Posgrado* (EXANI III itech internet ompa nimokalihtik noso kanin kuantis inmosaloskeh) ipan tonal tonal I metztli junio itech inin xiwitl 2024 ipan kawitl tlen mechonawatiskeh (kawitl mexiko xikaltepetl) machiohtiwitz itech nimokredensial tlen ika inkonchiwaskeh ixtlamatlatomachiwaloni.

Ken timomachiotis ipan teposamatl:

1. Achto moneki kualli tikpowas inin tenohnotzalistli.
2. Ximomachioti ipan teposamatl web. Xikpehpena ipan Humanidades, Maestria ipan Totlahtol iwan Tonemilis, iwan kuantis timomachiotis ipan semeh tonalmeh tlen pewah tonalli 20, metztli febrero, iwan tlamih tonalli 15, metztli abril, ipan xiwitl 2024.
3. Xitlaxtlawi tlen moneki pampa kuantis tikhkuilos Examen de Habilidades en Náhuatl (EXHANA). Kuantis titlaxtlawas ipan semeh tonalmeh tlen pewah tonalli 20, metztli febrero, iwan tlamih tonalli 17, metztli abril, ipan xiwitl 2024. Satepan inin tlatlawilli nesis ipan teposamatl kewan panotos ome tonalli.
4. Xiktlehkoltikan ipan teposamatl se amatlahkuilolli kanin nesi noso monextia kanin mochan. Kuantis tiktlehkoltis inin amatlahkuilolli ipan 20, metztli febrero, iwan tlamis tonalli 16, metztli abril, ipan xiwitl 2024.
5. Moneki tiktlehkoltis ipan teposamatl moamawan ipan semeh tonalmeh tlen pewah 20, metztli febrero, iwan tlamih 19, metztli abril, xiwitl 2024. Moneki tiktlehkoltis ininkeh amameh:
 - a. Amatl tlen kihtowa kanin tineski noso titlakatki (acta de nacimiento o copia certificada del acta de nacimiento en línea (www.gob.mx/actas)).
 - b. Amatl tlen kihtowa yi otiklaxtlawih tlatamachiwaloni (comprobante de pago de examen).
 - c. Currículum Vitae (san ken tikneki tikhkuilos), iwan amatl (Copias de la documentación que lo acredite).



Universidad Veracruzana
Intercultural



Maestría en Lengua
y Cultura Nahuatl

- d. Carta de exposición de motivos kanin tikhkuilos tlen tikneki timomachtis inin maestriah.
 - e. Título profesional, noso se amatl tlen kihtowa yi otitlanki monemachtis.
 - f. Certificado o constancia de calificaciones de la licenciatura, amatl tlen kihtowa tlen ixtlamachtistli otimomachtih, noso tlen calificaciones otikkixtih ipan licenciatura. Moneki tikpias promedio 8 noso okachi. Tla otimomachtih wehka ipan okse tlanantli, moneki tiktemakas equivalencia.
 - g. Se amatl kanin okse tlamachtih, noso moteko, ma tlahkuiloh kox mitzixmati iwan ken mitzitta (Carta de recomendación)
 - h. Se amatl kanin okse tekiwa noso se altepeixtlamatki (tepahtih, activista, teopixki, noso okse ixtlamatki) ma tlahkuiloh kox mitzixmati iwan ken mitzitta (Carta de recomendación)
 - Keman panotos makuilli tonalli, moneki tikalakis ipan moportal ika mofolio UV iwan mocontraseña iwan tikittas tlan kiselihkeh moamawan, tlan amo kiselihkeh, wahka sampa xiktlehkolti moamawan.
6. Xiktlehkolti ipan teposamatl se moixkopinka tle yankuik (archivo digital infantil). Kualtis tiktlehkoltis inin ixkopinkayotl ipan 20, metztli febrero, iwan tlamis tonalli 17, metztli mayo, ipan xiwitl 2024.
- Keman panotos ome tonalli, moneki tikalakis ipan moportal ika mofolio UV iwan mocontraseña iwan tikittas tlan kiselihkeh moixkopinka, tlan amo kiselihkeh, wahka sampa xiktlehkolti moixkopinka.
7. Xikkixti mo kresensial tlen tlatamachiwalli (credencial para el examen). Kualtis tikkixtis inin mocredencial ipan 13, metztli mayo, iwan tlamis tonalli 31, metztli mayo, ipan xiwitl 2024.

Tlen moneki pampa tikalakis:

8. Moneki tiktitanilis se tlahkuilolistli tlayekanketl tlen Maestriah, Dr. Rafael Nava Vite (rafnava@uv.mx) iwan yeh mitzihlis tlen tonalli tikchiwas tlatamachiwalistli (examen y entrevista).
- a) Moneki timotlapowis (entrevista) itech zoom ika temachtihkeh tlen maestriah). Kualtis timotlapowis ipan 27, metztli junio, ipan xiwitl 2024.
 - b) Moneki tikchiwas Exameh de Habilidades de Náhuatl (EXHANA). Tikchiwas ipan 27 metztli junio 2024.
 - c) Moneki xiktitanili motlatemolistekih (anteproyecto de investigación y/o intervención) ika nawatli ipan PDF, tlen kiyekana inin maestriah). Kualtis tiktitanis ipan 13, metztli mayo, iwan tlamis tonalli 24, metztli mayo, ipan xiwitl 2024.



Moneki tikchiwas EXANI III ipan teposamatl (en línea, desde casa):

9. Xikchiwaka ixtlamatlatomachiwaloni ipan tonal Examen de ingreso ipan tonal I metztli junio itech inin xiwitl 2024 ipan kawitl tlen mitznawatiskah (kawitl mexiko xikaltepetl) machiohtiwitz itech mokredencial tlen ika tikonchiwas ixtlamatlatomachiwaloni. Tlen tikpias nawi kawitl iwan tlahko pampa xikonchiwa.
10. Xikwikato seh moxayakteixpankayo (yeh kualtis INE noso Pasaporte).
11. Amo kualtis okse kawitl noso tonalli tikchiwas moixtlamatlatomachiwaloni.

Tlen kisalistli:

12. Xikontemo ken otikiski ipan tonal ixko internet ipan tonal 9 metztli julio itech inin xiwitl 2024.
13. Akinmeh momachtisnekah moneki kahxitiskeh nochi tlapowal tlatomachiwalli tlen kontlahtlanih weyi ixtlamachtisismeh.
14. Inin mofolio UV xelolkisas ik ken achi oninkistiahken ika tlatomachiwaloni itech tlatlamantli ixtlamachtistli.
15. Pampa motlapos seh tlamachtistli moneki ma kipia akinmeh momachtiskeh, keskimeh okipanoltihkeh ixtlamatlatomachiwalli tlen mexikameh noso pinomeh. Tlamo, amo motlapos, ikuahkoni niman motlapowiskah inawak tlayekanki ipan inin tlamachtistli tlen itokatzin Rafael Nava Vite (rafnava@uv.mx).

Machiotilistli:

16. Tla otikitak ixko internet akinmeh onikipanoltihkeh ixtlamatlatomachiwaloni, moneki tikontemos tlen kiyekana inin tlamachtistli, ma mitzihli ken kualtis timomachiotis ik yipewas timomachtis.
17. Tla otikpanolti ixtlamatlatomachiwalli xipewa ximomachioti ipan tonal I ik 9 metztli agosto ipan xiwitl 2024.
18. Akinmeh omomachtihkeh itech okseh tlanantli amo moneki oksemi nikonipanitaskeh (revalidación) ninmomachtistli tla noso san moneki timomachis, yeh tla tiknekis ik nikan tipewas titekipanos, kema moneki tikonchiwas (revalidación) kemeh kontekixtia tlanawatil pampa ma seh tekiti ipan tlapowal 20.2 tlen omomela ipan 02/04/17 kanin omopatlak tlen okatka 286 tlen powi tech Secretaría de Educación Pública (http://www.dof.gob.mx/nota_detalle.php?codigo=5480031&fecha=18/04/2017).
19. Ikuahkoni nochtin akimeh kalakiskah momachtiskeh moneki konpiaskeh nochi tlen kontlahtlani melahkayotl tlen ika ontlaonanah wehweyi momachtisismeh.



Tlen moneki ika timomachiotis:

a) Mexikahmeh

1. Ficha tlen ika timomachiotis
2. Título profesional de la licenciatura (Amatl iwan ixkopinkayotl)
3. Certificado de estudios de licenciatura (Amatl iwan ixkopinkayotl)
4. Tlakatilisamatl (Acta de nacimiento), (Amatl iwan ixkopinkayotl)
5. CURP
6. Identificación oficial vigente (INE, pasaporte o cédula profesional de la licenciatura)
7. Amatl kan kihtowa otiktlahtlawih machiotilistli iwan ipatilis semestreh.
8. Tla timexikatl wan otikchi licenciatura itech okse tlanantli moneki tikteixpantis (revalidación).
9. Se amatl kanin titlahkuilos iwan tikihos tiyolmelawas kema tiwallas nochtin viernes iwan sabados itech inin maestriah (Carta compromiso)
10. Revalidación de estudios de licenciatura (San yehwan akinmeh momachtihkeh oksekan wehka tlalli).

b) Pinomah

1. Ficha tlen ika timomachiotis
2. Revalidación de estudios de licenciatura. Tla otimomachtih nikan Mexihko, xiktemaka tlen kihtowa ne ahko. (Amatl iwan ixkopinkayotl)
3. Se iixkopinkayoh moama kan kihtowa status migratorio (FM) iwan mopasaporte.
4. Documento de identidad (Amatl iwan ixkopinkayotl)
5. Amatl kan kihtowa otiktlahtlawih machiotilistli iwan ipatilis semestreh,
6. Se amatl kanin titlahkuilos iwan tikihos tiyolmelawas kema tiwallas nochtin viernes iwan sabados itech inin maestriah (Carta compromiso)

Ken tikihkuilos tlatemolistekitl iachtonexilis:

Momachtihkeh moneki tlahkuiloskeh se amatl, kanin kinextia tlen tlatemolistli kinekih kichiwaskeh ipan inin maestriah. Ompa kimachiotiskeh tlen ika tekipanoskeh. Ihkon kichiwaskeh:



Universidad Veracruzana
Intercultural



Maestría en Lengua
y Cultura Nahuá

Tlen moneki kípías:	Ken moneki machiohtos:
<p>Itokayoh tlatemolistekiti (Tituloh iwan kualtis kiwikas subtituloh) amo mapano sempoalli tlahtolmeh</p> <p>Achtotlachialistli (Ik kanin walewa motlatemolis)</p> <p>Owihkayoti (Tlen ipan tikneki titekipanos)</p> <p>Ipatilis (Tleika ipati in tlatemolistli tikchivasneki)</p> <p>Weyi Ahsitilistli (tlen tikneki tikahsis)</p> <p>Ahsitili iohwipan (Tlen moneki tikchivas ika tikahsis weyi ahsitilistli)</p> <p>Tlayehyekolohtli (ken tikyehyekos motlatemolis)</p> <p>Tlatemolchiwalohtli (ken tikchivas motlatemolis)</p> <p>Tlachiw Waltonalpowalli (kemanian tikchivas tlen tikchivasneki)</p> <p>Amapowaltekpantli (tlen amoxmeh otikpoh)</p>	<ul style="list-style-type: none">• Inin tlahkuilolistli, moneki tikmachiotis nochi ika nawatl. (Kualtis tiknehnekis san tlen tlahkuilolmachiotilistli tiknekis. San amo tikinnehnelos tlatlamantli tlahkuilolpanmeh).• Kualtis tikoihkuilos ik mahtlaktli noso kaxtollí iswatl.• Xikontlali xayakiswatl (portada) tlen kipia itokayoh inin maestriah, motokatzin, iwan tlen itoka motlatemolis, kanin tiwalewa iwan tlen tonalli titlahkuilowa.• Xitlahkuilo ika machiyotl Times New Roman, iweyitils II, (Tituloh iwan subtituloh amo moneki inin weyitilis).• Xiktlali innepowal iswameh.• Iswatenyoh (márgenes) ma yeto 2.5cm x 2.5cm.• Xikontlali amoxmeh tlen otikpoh, ipan ikxinotzalistli (nota al pie) noso itlamian tlahkuilolistli (kualtis tikpías san ome iswameh)• Kox tikpia itlah cita de internet, xikontlali ipan ikxinotzalistli noso ipan itlamian tlahkuilolistli.• Se tlatemolistekiti tlen kipia tlahkuilolistli moichtektok (plagiado), amo panos.



Calendario de ingreso generación 2024-2026

Actividad	Fechas
Achtomachiotlistli	Ipan tonal 20 metztli febrero ik 15 abril xiwitl 2024
Titlaxtlawatin pampa tikchiwas ixtlamatlatomachiwaloni	Ipan tonal 20 metztli febrero ik 17 abril xiwitl 2024
Kemania tiktlehkoltis amatl tlen ika otitlaxtla	Ipan tonal 20 metztli febrero ik 19 abril xiwitl 2024
Tla tikneki titlahtlanis itlah ipan motlaxtlawalli	Ipan tonal 22 metztli febrero ik 23 abril xiwitl 2024
Kemania tiktlehkoltis amatl kanin tikihtowa tichanti	Ipan tonal 20 metztli febrero ik 16 abril xiwitl 2024
Xiktlehkolti xayakixkopinkayotl	Ipan tonal 20 metztli febrero ik 17 mayo xiwitl 2024
Xiktlehkolti amaixpanneskayotl ika xayakixkopinkayotl	Ipan tonal 20 metztli febrero ik 20 mayo xiwitl 2024
Oksemi amameh tlen moneki xikonintlehkolti	Ipan tonal 20 metztli febrero ik 19 abril xiwitl 2024
Xikonkixti mo kresensial tlen ika tikochiwas ixtlamatlatomachiwaloni.	Ipan tonal 13 ik 31 mayo xiwitl 2024
Tlatlahtlanilistli	Tonal 27 metztli junio xiwitl 2024
Ixtlamatlatomachiwaloni ika nawatl (EXHANA)	Tonal 27 metztli junio xiwitl 2024
Ixtlamatlatomachiwaloni ik mokalihtik noso kanin timosalos (EXANI-III)	Tonal 1 metztli junio xiwitl 2024
Ken otikiski itech nochi ixtlamatlatomachiwaloni	Tonal 9 metztli julio xiwitl 2024

Xalapa, Veracruz, Mexikoh.
Tonal 16 metztli febrero xiwitl 2024

Dr. Daniel Bello López
Director General de la Universidad
Veracruzana Intercultural

Dr. Rafael Nava Vite
Coordinador de la Maestría ipan
Totlahtol iwan Tonemilis